

令示

江甯巡警總局示凡新建翻造房屋須讓原基三尺

爲出示曉諭事照得甯垣地方繁盛行人往來肩摩轂擊車輛馬匹擁擠不堪道路交通最關緊要本局舊定章程凡新建及翻造房屋者須照原基退讓三尺以外其舊佔官道之欄杆櫃台雨水搭等無論翻蓋新建亦須一律退入簷內以利通行光復以來局面既經改革此項章程皆視爲具文現甯垣建設都會各省觀瞻所繫規模必期宏闊交通要政亟應維持庶人民有遵守之責而道路無擁擠之虞前經本總局參酌舊章擬定凡新建翻造房屋暨修蓋雨水搭等仍須退讓原基三尺以外辦法呈奉

代理江蘇都督莊 教令如呈立案仰卽出示通行曉諭可也此令等因奉此除通飭各區長一體遵照外合亟出示曉諭爲此仰闔城紳商居民鋪戶人等一體知悉自示之後務各實力奉行倘有不遵禁令仍造原基翻造建築一經查出定卽勒令停工決不寬貸切切特示

江甯巡警總局定期繳人力車捐示

爲出示曉諭事案奉

大總統令現據金陵人力車業人等公稟邀恩求免正月車捐等情時當嚴寒念及勞力苦工深爲憫惻所有元年正月車捐着卽行蠲免該局現行冬月車票並着一律取消以惠勞人等因奉此當經本局以舊歷冬月分卽新歷元月分應收各項車捐業於元月十二號卽舊歷冬月二十四日開收完竣擬請變通辦理將新歷二月分應收車捐一律豁免雖時期不無差異而恩惠仍得實沾呈奉

大總統批准在案茲查二月分開捐之期不遠本局應卽宣布

大總統加惠勞人之意所有二月分自初一日卽舊歷臘月十三日起一個月內應收各項車捐應卽免予繳納仰各該車夫人等於二月以內仍以上月舊票行駛號坎并須一律穿着以便稽查俟屆新歷三月初一日卽舊歷壬子年正月十三日繳捐換票時務各仰體

德 踴躍捐輸以備修路之用不得仍前觀望藉詞延宕合特出示曉諭爲此示仰各車行車夫人等一體遵照毋違特示

江甯巡警總局規定牌照捐示

中華民國江甯巡警總監吳 爲出示曉諭事照得本總局遵奉

都督程 指令將禁烟事宜併歸局辦當經擬章呈奉

代理都督莊 教令內開據呈及章程均悉應准暫行照辦務宜認真經理毋得有名無實滋生流弊等因到局奉此查現定章程凡售賣土膏各店均由本總局現設之禁烟處一律發給執照以便稽查而杜私賣茲經呈報於本年二月一號起實行開辦除飭各區先將現有土膏店分晰查明開報以憑換給執照外合併出示曉諭爲此示仰土膏各店及諸色人等一體知悉限三日內各將舊有營業執照呈送該管巡警區局趕速轉報本總局由禁烟處換給執照遵章營業如有經此次亂事將前照遺失者須出具土市公行或同行三家以上之保結領有執照始准營業惟此後售賣土膏各店仍須遵照舊章每土壹兩繳牌照捐錢四十文每膏壹兩繳牌照捐錢六十文土捐則繳歸土市公行代收膏捐則逕由各店按十日一次彙繳本總局禁烟處核收各店每日售銷之數至少以八兩爲度如無執照即以私論按章處罰至吸烟之人亦即赴區報明姓名年歲住址及日

吸烟數指購土膏店號由區發給牌照以便稽考而杜私吸其各凜遵毋違切切特示

宣布夏祖慶罪狀

武昌起義之前有憲兵長夏祖慶探悉我軍之行爲將憲兵彭慶雲兵士劉堯臣楊洪烈三烈士密報於清督瑞徵致被清督瑞徵戮至十九夜民軍攻打督署夏又抵抗義軍槍斃老勇二十餘名後又保清督瑞徵逃出武昌繼民軍得勢夏即遠颺昨忽潛來京師寓居下關大觀樓希圖不法經密探查悉報告

大總統飭派巡警拏獲審訊明確奉

大總統命令宣布罪狀立予槍斃矣



電報

▲桂省來電 大總統各部總長副總統張都督均鑒年都督號電敬悉清兵於停戰期內侵虐秦晉輕蔑成約玩視民國張都督請聯軍北上履其巢穴早定大計自是切要之圖請大總統預爲施卹使西北同胞早登衽席不勝企望之至桂都督陸榮廷叩

▲申來電 大總統鈞鑒接卽墨官立小學堂班電知該處業已光復合亟轉聞其美叩儉

▲長沙來電 甯大總統陸軍部長申伍外交長武昌副總統各省都督金口長沙各路總令公鑒昨接陳都督效電及南昌馬都督巧電福州孫都督號電以停戰議和務在此期限內議決一切勿再遲延敝省全體極表同情萬乞於陰歷十二月十二以前取決宣示若再延時日敝省無論如何決不承認特此預聞延闔叩禱

▲武昌來電 急甯孫大總統鑒接伍總長感電宥電卽於二十七日派員至孝感與北軍接洽聯絡一致進行段祺瑞派員接待據稱段對於共和政體允有同意此次軍隊退却實不願與民軍衝突損傷元氣至進行方法現已規定請民軍不必前進致生誤會云云敝處已通飭各軍駐紮原地暫不前進所有一切準備亦不得稍懈致受老師費財之害庶共和政體得早日

告成下游各軍請黃總長通知相機動作是盼元洪艷印

▲襄陽來電 南京大總統總理黃武昌副總統黎鈞鑒清廷議和展限再

三袁賊狡詐別有企圖初次議和乘隙敗約破我山西攻我陝西今又加精兵三千開花砲十二尊猛攻陝軍潼關垂危升長二賊擾害鳳隴陝西三面受攻兵寡力疲萬急三電請援兵求槍彈迭有警報窺敵陰謀遠交近攻意以南京方銳緩兵以老其師北省消息隔絕民軍薄弱若集全力攻取靜陽得手南方共和之局日久變多內部或生意見彼得伺隙而圖時日濡滯冬盡冰合我軍艱於北伐彼可壹意略定北部陝西不守則四川可危鄂省襄樊亦生警變外交難恃誤我正多敵於和期內分道四出牽制我軍擾亂各處我獨困守不出誰操勝算之權縱然卽一心求和亦當分途北伐海陸並進使敵軍不敢妄動然後和局可成若堅守小信坐誤時機前途不堪設想明公統籌全局必有深謀尙乞速定大計勿墮狡謀民國幸甚安襄鄖荊招

討使季雨霖叩

▲上海來電 孫大總統陸軍黃總長鑒維密頃接段芝帥來電文如下二

武昌代表易來孝已令幕僚接洽瑞昨晚移駐廣水爲保平和不意下車遇放火藥二次車雖無大損因之稽遲致與後車相觸死傷二十餘人士氣大憤此等舉動能否嚴禁勿使瑞過於爲難也已派混成一標又步五營赴京又商擬令第二鎮斛保相機進止雖然如是未能一蹴而就瑞真等語請迅電黎副總統查照飭禁怡豔二電

▲孫總統黃陸軍部長鑒接陝電及西教士僉謂清六軍攻陷潼關升允久竄乾邠竭力秦軍功力危急萬分望顧會西北同胞速派得力分道赴援並即日北伐以解秦危而維大局豫晉秦隴協會及旅滬全體陝人乞命

▲烟臺來電 海軍部轉大總統鈞鑒和密宥電悉滬軍全部均開往登黃海軍輪番游弋登州龍口各處該地戰况甚佳詳情由該軍直接報告藍天

蘇叩

▲滇省來電 大總統武昌黎副總統黃元帥各省都督鑒本省爰派參謀李佃庚雷風二員賁文赴甯日內起程先電陳滇都督鏗叩

◎法制◎

大總統咨參議院法制局職制

竊維臨時政府成立所有一切法律命令在在須行編訂法制局之設刻不容緩應將法制局職制提出

貴院議決以便施行除派本府秘書員李肇甫於本月十二日親赴

貴院提議外合即先將法制局職制草案咨送

貴院查核辦理此咨

大總統咨參議院南京府官制草案請議決咨覆並中華民國臨時組

織法草案

案查前據內務部總長程德全呈稱南京爲臨時首都維持治安自是要圖茲擬將舊有

江甯巡警路工總局改爲中央巡警廳專管巡警事務至原有之都督府及江甯民政廳均爲地方官令江蘇都督已移駐蘇州而機關尙在江甯民政廳辦理亦不合法擬將原有二機關消滅另設一南京府知事專管江甯上元兩縣地方行政事務均着直隸本部以便監督而期整理至各省起義之後地方官制均係自由規定罔相師襲故難免歧異目下中央政府業已成立似宜統籌全局從新釐訂以昭劃一懇卽飭法制院迅速編纂中央巡警廳及南京府知事與各地方官制通則呈核交下以便遵行旋復據該部呈稱民國建立所有全國民政亟應改革辦法以期整齊不至蹈滿清裨政舊轍惟官制尙未議定而各屬紛紛申請改用關防既不能緣其舊稱又未便巧立名目究應用民政長或知事名稱之處非本部所敢擅斷爲此備文呈請大總統伏乞飭令法制院從速籌議見覆施行等由據此當經令行法制局將本京巡警及京外地方官制妥速編訂去後茲據法制局局長宋教仁呈擬南京府官制草案二十二條前來合照臨時政府組織大綱第五條咨請貴院議決咨復以便督飭施行又查臨時政府現已成立而民國組織之法尙未制定茲據法制局局長宋教仁呈擬中華民國臨時組織法草案五十五條前來合併

咨送貴院以資參攷編訂此咨

衛戍總督府人員職掌

一 衛戍總督府分設左列各機關

一 參謀處

二 副官處

三 監察處

四 執法處

五 經理處

以上各處外另設顧問官參事官秘書官監印官屬官若干員

一 參謀長參劃衛戍上之機宜整理全府事務爲全府人員之領袖

一 參謀處主管左列事務

一 衛戍域內陸防之籌畫

二 衛戍域內江防之籌畫

三衛戍域內要塞防守之籌畫

四所屬軍隊之編練

五調查駐屯各軍移動之狀況

六衛戍勤務之規定及改良

一 副官處主管左列事務

一 管理本府內務

二 日令及報告之傳達

三 文書之收發分配及圖書之保管

四 本府人員增減進退之紀錄

一 監察處主管左列事務

一 各地衛戍勤務之監察及本府衛兵之管理

二 衛兵之派遣

三 考查駐在各軍之軍紀風紀

四 地方上之交涉

五 關於保護陸軍諸建築物之事宜

六 號炮之施放及暗號之傳達

一 經理處主管左列事務

一 金錢之收支

二 管理直轄兵隊之服裝糧食

三 會計之整理

一 執法處主管左列事務

一 審問

二 判決

三 稽查所屬之拘留場及禁閉室

一 各處長承總督之命掌理其主務及指揮監督處內各員之職事

一 各處次長協助處長整理處內事務

- 一各處長就主管事務中指定處內各員分管辦理
- 一顧問官備總督之諮詢以圖衛戍事務之發達
- 一參事官研究衛戍事務對於總督盡獻替之責
- 一秘書官承總督之命撰擬機要文電及不隸各處之文書
- 一屬官備臨時差遣之用
- 一監印官專司保管印信及監視鈐用
- 一收發員於書記員內指定專管
- 一書記員承處長之命撰擬該處文件
- 一司書生專任繕寫事宜

一看守長看守管理因人之收押護送衛生風紀各事宜

❁ 紀事 ❁

簡任員名

陸軍部總長兼參謀部總長

黃 興

海軍部總長

黃鍾瑛

司法部總長兼議和全權大使

伍廷芳

外交部總長

王寵惠

財政部總長

陳錦濤

內務部總長

程德全

教育部總長

蔡元培

實業部總長

張謇

交通部總長

湯壽潛

陸軍部次長

蔣作賓

海軍部次長兼北伐海軍總司令

湯薌銘

司法部次長

呂志伊

外交部次長

魏宸組

財政部次長

王鴻猷

內務部次長

教育部次長

實業部次長

交通部次長

南京衛戍總督

關外部督兼北伐第二軍總司令

參謀部次長兼議和參贊

上海通商交涉使兼議和參贊

議和參贊

議和參贊

議和參贊

法制顧問

法制顧問

居正

景耀月

馬君武

于右任

徐紹楨

藍天蔚

鈕永建

溫宗堯

汪兆銘

王正廷

胡瑛

寺尾亨

副島義一

(0061)

法制顧問

章宗祥

政治顧問

大養毅

教育部呈報啟用印信日期由

中華民國教育部總長蔡

為呈報事正月

十九日奉

大總統令頒給印信一顆遵即敬謹祇領即日啓用爲此呈報

鈞案仰祈

察核施行須至呈者

再本部辦事處暫設碑亭巷江蘇外務司合併聲明

右呈

大總統 孫

本報暫定則例

- 一 本報爲臨時政府刊行故定名爲臨時政府公報
- 二 本報以宣布法令發表中央及各地政事爲主旨
- 三 本報暫定門類六曰令示曰電報曰法制曰紀事曰抄譯外報曰雜報

其子目見前

- 四 本報日出一册如遇國家紀念日政府停止辦公時本報亦休刊一日
- 五 政府對於各地所發令示或宣布法律凡載登本報者公文未到以本報到後爲有效

- 六 凡各官署皆有購閱本報之義務唯具印文請領者皆照定價五折徵納餘另詳前價目表

● 本報特白 ●

本報因開辦伊始發布各件不多故報材未富自後政令日繁表示自夥應儘所有掲載因無葉數多寡之限制也

特白